

QISHLOQ HAYOTI

№ 15 (9126)-son

Ўзбекистон Республикаси иқтисодий-иқтисодий газетаси 1974-йил 1-январдан чиқиб бoшлаган

ЎЗБЕКИСТОН РЕСПУБЛИКАСИ ПРЕЗИДЕНТИ ШАВКАТ МИРЗИЁЕВНИНГ ТУРКИЙ КЕНГАШНИНГ ВИДЕОКОНФЕРЕНЦИЯ ШАКЛИДА ЎТКАЗИЛГАН НОРАСМИЙ САММИТИДАГИ НУТҚИ

Хурматли Қосим-Жомарт Кемелевич! Хурматли давлат ва ҳукумат раҳбарлари! Авваламбор, халқаро Наврўз байрами давом этаётган ушбу файзли кунларда Сиз, азизларни қўриб турганимдан мамнунман.

Бугунги учрашувни ташкил этиш ташаббуси билан чиққан муҳтарам оқсоқолимиз, Қозоғистон Республикасининг биринчи Президенти – Элбоши, Туркий кенгашнинг Фахрий раиси Нурсултон Назарбоевга чуқур миннатдорчилик изхор этаман.

Анжуманимиз улуғ шоир ва мутафаккир Хожа Аҳмад Яссавий ашб утган қадимий ва навқирон Туркистон шаҳри билан боғлангани бежиз эмас.

Ушбу шаҳри азим “Турк дунёсининг руҳоният пойтахтларидан бири” сифатида эълон қилинишида чуқур рамзий маъно бор.

Маълумки, Мир Алишер Навоий ҳазрат Яссавийга “Туркистон мулкининг шайхул машоихи” деб юксак баҳо берганлар.

Аҳмад Яссавийнинг ўлмас мероси буюк аждодларимиз – Жалалиддин Румий ва Юнус Эмро, Юсуф Хос Ҳожиб, Низомий Ганжавий, Махтумқули Фироғий ва Бобораҳим Машраб каби шоирлар қаторида туркий халқларнинг умумий маънавий бойлиги сифатида ардоқлаб келинади.

Аҳмад Яссавий ўз даврида бутун мусулмон оламида “Ислом динининг қуввати” деб шуҳрат қозонган Бухорои шарифда Юсуф Ҳамадоний, Абдуҳалиқ Ғиждувоний каби машҳур уламолардан таҳсил олгани ота-боболаримизнинг доимо сафдош ва ҳамфикр бўлиб келганини кўрсатади.

Ўзининг диний-ахлоқий қарашлари билан минтақамизда улкан обрў-эътибор қозонган ҳазрат Яссавийга буюк Амир Темур чин дилдан ихлос қўйгани, унинг хотирасига атаб мухташам мақбара бунёд этганини барчамиз яхши биламиз.

Шунингдек, Соҳибқирон бобомиз ушбу мажмуанинг моддий таъминоти учун вақф ташкил қилгани ва бу жамғарма асрлар давомида фаолият кўрсатгани эл-юртларимизнинг тарихий бирлигидан далолат беради.

Бугунги кунда Аҳмад Яссавий зиёратгоҳини барча қардош халқларимиз табаррук қадамжой сифатида чексиз қадрлайди.

Кўпмиллатли Туркистон шаҳри сўнги йилларда тобора гўзал ва обод бўлиб бораётгани, улкан бунёдкорлик майдонига айланаётганига барчамиз ҳозир видеоназорат орқали гувоҳ бўлдик.

Бугунги фурсатдан фойдаланиб, Озарбайжон Президенти хурматли Илҳом Гейдарович Алиев ва озарбайжон халқини, Тоғли Қорабоғ ҳудудини қайтариб, тарихий адолатни тиклаш йўлидаги ғалабаси билан яна бир бор табриқлайман.

Ўзбекистон Тоғли Қорабоғ заминидagi кўҳна обидалар, маданият ва маърифат масканларини тиклаш ишларига ҳисса қўшишга тайёр эканини билдираман.

Хурматли саммит иштирокчилари! Муштарак тил ва ягона дин, тарихий ва маданий ришталар асосида шаклланган Туркий кенгаш ташкилоти минтақавий ҳамкорликнинг самарали механизмига айланиб бормоқда.

Ташкилотимиз ўз тараққиётининг янги даврига қадам кўяр экан, биз ҳар қандай синов ва таҳдидларни биргаликда енгиб ўтишга тайёр бўлишимиз, мавжуд салоҳиятимиздан тўлиқ фойдаланишимиз зарур.

Бу борада бизнинг олдимизда муҳим вазифалар турибди.

Биринчидан, иқтисодий алоқаларни кучайтириш бизнинг асосий мақсадимизга айланиши даркор.

Айни пайтда ишлаб чиқиладиган “Туркий дунё нигоҳи – 2040” концептуал ҳужжати асосида ҳозирги ва пандемиядан кейинги вазиятни инобатга олган ҳолда, аъзо давлатларга хос, яқин ва ўрта истиқболга мўлжалланган иқтисодий ҳамкорлик стратегиясини тайёрлашни тақлиф қиламиз.

Бунда асосий урғун кечаётган глобал инқирознинг салбий оқибатларини бартараф этиш, савдо, инвестиция, саноат, транспорт алоқаларини тиклаш ва янги шароитларда ривожлантириш, электрон тижорат ҳамда рақамли технологияларни кенг жорий этиш, бизнес ва ҳудудлараро ҳамкорлик имкониятларидан тўлиқ фойдаланишга қаратиш лозим.

Иккинчидан, давлатларимиз ўртасида саноат кооперациясини кучайтириш ва йирик сармоявий лойиҳаларни амалга ошириш мақсадида билдирилган тақлифларни қўллаб-қувватлаган ҳолда, Туркий кенгашнинг ўз Инвестициявий жамғармаси ҳамда Тараққиёт банкига эга бўлиш фурсати етди, деб ҳисоблаймиз. Бу борада амалий ишларни бошлаш тарафдоримиз.

ЎЗБЕКИСТОН РЕСПУБЛИКАСИ ПРЕЗИДЕНТИ ТУРКИЙ КЕНГАШНИНГ НОРАСМИЙ САММИТИДА ИШТИРОК ЭТДИ

Ўзбекистон Республикаси Президенти Шавкат Мирзиёев 31 март кун Туркий тилли давлатлар ҳамкорлик кенгашнинг видеоконференция шаклида ўтган норасмий саммитида иштирок этди.

Қозоғистон Республикаси Президенти Қосим-Жомарт Тоқаев раислик қилган тадбирда Қозоғистон Республикасининг Биринчи Президенти – Элбоши, Туркий кенгашнинг Фахрий раиси Нурсултон Назарбоев, Озарбайжон Республикаси Президенти Илҳом Алиев, Қирғизистон Республикаси Президенти Садир Жапаров, Туркия Республикаси Президенти Режеп Таййип Эрдоған, Туркменистон Президенти Гурбангули Бердимухамедов, Венгрия Бош вазири Виктор Орбан ва Туркий кенгаш бош котиби Бағдод Амреев қатнашди.

Тадбирда ташкилот доирасида иқтисодиёт, савдо, транспорт соҳаларидаги кўп қиррали амалий ҳамкорликни ҳамда маданий-гуманитар алоқаларни мустақамлаш масалалари юзасидан фикр алмашилди.

Учрашувда барча туркий халқларнинг маънавий юксалишига катта ҳисса қўшган буюк шоир ва мутафаккир Хожа Аҳмад Яссавий меросига алоҳида эътибор қаратилди.

Давлатимиз раҳбари диний-ахлоқий қарашлари билан минтақамизда улкан эътибор қозонган ҳазрат Яссавийга Соҳибқирон Амир Темур ихлос қўйгани ҳамда унинг хотирасига атаб Туркистон шаҳрида мухташам мақбара бунёд этганини қайд этди.

Бугунги кунда Аҳмад Яссавий мақбараси барча қардош халқларимиз учун табаррук қадамжой ҳисобланади.

Президент Шавкат Мирзиёев ўз нутқида мустақам тарихий ришталар, муштарак тил, маданият ва маънавий қадриятлар асосида

шаклланган Туркий тилли давлатлар ҳамкорлик кенгаши минтақавий ҳамкорликнинг самарали механизмига айланиб бораётганини алоҳида таъкидлади.

Давлатимиз раҳбари коронавирус пандемия таъсирида давом этаётган глобал инқирознинг салбий оқибатларини юмшатиш ва бартараф этиш йўлида кенгашнинг яқин ва ўрта истиқболга мўлжалланган иқтисодий ҳамкорлик стратегиясини ишлаб чиқиш ташаббусини илгари сурди. Шунингдек, савдо, инвестиция, саноат, транспорт алоқаларини тез фурсатда тиклаш ва янги шароитларда ривожлантириш, электрон тижорат ҳамда рақамли технологияларни кенг жорий этиш, ишбилармон доиралар ва ҳудудлараро ҳамкорлик имкониятларидан тўлиқроқ фойдаланиш зарурлигига эътибор қаратди.

Туркий тилли мамлакатлар ўртасида саноат кооперациясини кучайтириш ва йирик сармоявий лойиҳаларни амалга ошириш устувор вазифалардан бири эканлиги, Туркий кенгаш доирасида Инвестициявий жамғармаси ва Тараққиёт банкни ташкил этиш ва ишга тушириш бўйича амалий ишларни жадаллаштириш зарурлиги таъкидланди.

Ўзбекистон Президенти минтақамизнинг улкан стратегик аҳамиятга эга транспорт ва транзит салоҳиятидан янада унумли фойдаланишга, Осиёдаги глобал бозорларга чиқиш имкониятини кенгайтириш мақсадида Марказий Осиё ҳудудидида транспорт йўлақларини,

шунингдек, Озарбайжон ва Туркия орқали Европа бозорларига элтувчи йўналишларни ривожлантириш, логистика инфратузилмасини кенгайтириш бўйича йирик лойиҳаларни биргаликда амалга оширишга қарор қилди.

Шавкат Мирзиёев Туркий кенгашга аъзо мамлакатлардаги муқаддас қадамжолар бўйлаб “Табаррук зиёрат” лойиҳасини амалга ошириш, шу мақсадда Зиёрат туризмни ривожлантириш дастурини қабул қилиш ташаббусини билдирди.

Буюк ўзбек шоири, мутафаккир ва давлат арбоби Алишер Навоийнинг туркий дунё маънавий-маърифий ҳаётига қўшган беқиёс ҳиссасини инобатга олиб, давлатимиз раҳбари фан, таълим, адабиёт, санъат, ижтимоий соҳалардаги ютуқлар ҳамда туркий дунё бирлигини мустақамлаш йўлидаги саъй-ҳаракатларни рағбатлантириш мақсадида Туркий кенгаш доирасида Алишер Навоий номидagi халқаро муқофотни таъсис қилишни тақлиф этди.

Ўзбекистон Президентининг ташаббуслари саммит иштирокчилари томонидан тўлиқ қўллаб-қувватланди.

Олий даражадаги учрашув якунида Туркистон декларацияси қабул қилиниб, унда норасмий саммитда эришилган асосий келишувлар акс этди.

Туркий кенгашнинг саккинчи саммитини 2021 йилнинг кузида Туркия Республикасида ўтказиш режалаштирилмоқда.

ЎЗА

ЕВРОПА ПАРЛАМЕНТИ ДЕЛЕГАЦИЯСИ БУХОРОДА БЎЛДИ

Европа парламентининг Марказий Осиё мамлакатлари ва Мўғулистон билан алоқалар бўйича делегацияси раиси Фульвио Мартушелло 31 март кун Бухорода бўлди.

Делегация аъзолари вилоят ҳокими Ботир Зарипов билан учрашувда Европа Иттифоқи билан Ўзбекистон ўртасидаги сиёсий, савдо-иқтисодий, маданий-гуманитар ва бошқа соҳалардаги ҳамкорлик кенгайиб бораётганини таъкидлади.

Вилоят ҳокими мезмонларга мамлакатимизда хорижий инвесторлар учун яратилган шарт-шароитлар ҳақида маълумот берди.

Вилоятда хорижий инвестиция иштирокидаги 300 дан ортиқ корхона фаолият кўрсатмоқда. Когон туманида Италиянинг “Italstone” Co LTD компанияси ҳамкорлигида ташкил этилган “Минокор” қўшма корхонасида қиймати 2,7 миллион АҚШ долларига тенг оҳақтошни қайта ишлаш лойиҳаси ишга туширилган.

Учрашувда Ботир Зарипов италиялик ишбилармонларни вилоятда тайёр тўқимачилик ва қурилиш материаллари ишлаб чиқариш, меҳмонхоналар қуриш, савдо ва хизмат кўрсатиш, электр техника жиҳозлари ишлаб чиқариш, туризм ва бошқа даромадли соҳаларда ишлаб чиқилган инвестиция лойиҳаларини молиялаштиришда ҳамкорликка чақирди.

Фульвио Мартушелло Европа Иттифоқининг Ўзбекистон билан яқин ҳамкорлигидан фойдаланиб, европалик инвесторларни вилоятга жалб қилиш имконияти кенглигини таъкидлади.

Бунда Бухорода халқаро аэропорт мавжудлиги муҳим логистика кўргони вазифини ўтайди.

Европа давлатларида вилоятнинг инвестицион ва туристик салоҳияти ҳақидаги ахборотларни кўпайтириш зарур. Чунончи, биргина Италиянинг ўзида 50 дан ортиқ компания номига Бухоро сўзи қўшилган. Ушбу давлатлардаги компаниялар билан ўзаро манфаатли ҳамкорлик йўлга қўйилса, вилоятда янги-янги лойиҳаларни ишга тушириш имконини пайдо бўлади.

Мулоқот якунида вилоятнинг инвестицион салоҳиятига оид видеоролик намойиш қилинди. Юқори мартабали меҳмон қадимий Бухоронинг диққатга сазовор жойлар билан яқиндан танишди.

Зариф КОМИЛОВ,
ЎЗА мухбири.

Ўзсаноатқурилишбанкда ТРАНСФОРМАЦИЯ ЖАРАЁНЛАРИ УЧИНЧИ БОСҚИЧГА ЎТДИ

Миллий матбуот марказида “Ўзсаноатқурилишбанк тизимида трансформация жараёнидаги натижалар ва яқин истиқболдаги режалар” мавзусида матбуот анжумани бўлиб ўтди. Тадбирда банк раҳбарияти, тегишли таркибий бўлинмалар масъуллари ҳамда оммавий ахборот воситалари ходимлари иштирок этди.

Президентимизнинг 2020 йил 12 майдаги “2020-2025 йилларга мўлжалланган Ўзбекистон Республикасининг банк тизимини ислоҳ қилиш стратегияси тўғрисида”ги фармони банк секторидagi катор масалалар ечимида муҳим қадам бўлди. Соҳада давлат аралашуви сезиларли даражада камайди, давлат иштирокидаги банкларда менежмент ва таваккалчиликларни бошқариш сифатини оширишга қаратилган жиддий чоралар кўрилди, иқтисодиётда молиявий воситачилик даражаси юксалди. Шунингдек, банк

хизматлари оммабоплиги оширилмоқда, банкларнинг ҳудудларга кириб бориши кенгайтирилиб, барча аҳоли пунктларида бир хил турдаги хизмат кўрсатилишига эришилмоқда.

Матбуот анжуманида банк бошқаруви раиси ўринбосари Зафар Азимов шулар ҳусусида сўз юритиб, Ўзсаноатқурилишбанк тизимида амалга оширилаётган ушбу йўналишдаги ўзгаришларни муассасанин янги бизнес моделига асосланган трансформация ишларида акс этаётганлигини таъкидлади.

ДАВОМИ 2-САҲИФАДА >>

СИРДАРЁ ВИЛОЯТИ

Давлатимиз раҳбари Сирдарё вилоятида таширлий пайтида маҳаллийлаштириш дастури доирасида вилоятнинг ўзида қурилиш материаллари ишлаб чиқаришни кўпайтириш хусусида таъсия берганликлар. Шу бўйича қисқа вақтда вилоятда йигирмадан ортиқ қурилиш материаллари ишлаб чиқарилган корхоналар, тадбиркорлик субъектлари ишга туширилди.

Маҳаллийлаштириш дастури амалда

Лак-бўёқлар харидорлигининг СИРИ НИМАДА?

Гулистон шаҳар Баҳор маҳалласидаги “Кук сарой” лак-бўёқ ва курук қоришмалар ишлаб чиқариш корхонаси фаолиятининг йўлга қўйилганлиги ҳам ана шу тавсия ва маҳаллийлаштириш дастури ижросининг амалдаги ифодасидир. Мазкур корхонада тайёрланаётган 12 турдаги лак ва бўёқлар, 10 турдаги курук қоришмалар вилоятда бунёдкорлик ишларини жадал давом эттираётган қурилиш ташкилотларига, “Ховос сити” бунёдкорларига, шунингдек, Тошкент вилоятининг Чиноз, Тўйтепа ва Янгийўл туманларидаги қурилиш ташкилотларига реализация қилинмоқда. Айни вақтда ҳам корхонада ойига 136-140 тонна лак-бўёқ ва курук қоришмалар ишлаб чиқарилиб, буюртмачиларга етказиб берилаётир.

Германия технологияси билан жиҳозланган корхонада тайёрланаётган лак-бўёқ ва курук қоришмаларнинг сифати жуда юқори. Шу боис, уларга хорижий давлатлардан ҳам буюртмалар тушаяпти. Айни вақтда Тожикистонга кенг кўламда экспорт қилинмоқда.

– Ҳар ойда Тожикистон давлатига 68 тонна сифатли лак-бўёқ экспорт қилаёмиз, – дейди корхона менежери Арслонбек Икромов. – Маҳсулотларимиз турини янада кўпайтириш учун янги лойиҳаларни амалга оширишни мақсад қилиб қўйганмиз. Бу эса лак-бўёқ тайёрлаш суръатларини ошириш билан бирга яна янги иш ўринлари яратиш имконини ҳам беради.

Бозорбой БЕКМУРОДОВ,
“Qishloq hayoti” мухбири.

ТОШКЕНТ ВИЛОЯТИ

ЖАҲОН СТАНДАРТЛАРИГА МОС МАҲАЛЛИЙ МАҲСУЛОТЛАР



Тошкент вилояти Юқори Чирчиқ туманидаги “Евро Глобал Инвест” масъулияти чекланган жамиятини йирик йиғма темир-бетон панеллари тайёрлашга ихтисослашган. Кластер усулидаги корхона йилга 500 минг куб метр бетон маҳсулотлар ишлаб чиқариш, 1 миллион тонна тош майдалаш, яна шунча асфальт тайёрлаш қувватига эга. Шунингдек, бу ерда ички ва ташқи эшиклар, дераза ромлари, мебеллар ясаш йўлга қўйилган. Корхона маҳсулотлари жаҳон стандартларига мослиги, зилзилга бардошлилиги ҳамда ҳамёнбоплиги билан харидорларни қўллайди. Айни пайтда корхонада 850 нафар киши меҳнат қилмоқда. Йил якунига қадар иш ўринлари сони 1 минг 500 тага етказилиши режалаштирилган.

Темур МАМАДАМИНОВ (ЎЗА)
олган суратлар.

Чиқиндидан миллионлаб доллар даромад топиш мумкин

ЎЗБЕКИСТОН РЕСПУБЛИКАСИ ПРЕЗИДЕНТИ ШАВКАТ МИРЗИЁЕВНИНГ ТУРКИЙ КЕНГАШНИНГ ВИДЕОКОНФЕРЕНЦИЯ ШАКЛИДА ЎТКАЗИЛГАН НОРАСМИЙ САММИТИДАГИ НУТҚИ

(Боши 1-саҳифада)

Учинчидан, минтақамизнинг транспорт ва транзит салоҳиятини ошириш биз учун стратегик аҳамиятга эга.

Марказий Осиё ҳудуди орқали дунёнинг асосий бозорларига, жумладан, Хитой, Ҳиндистон, Покистон ва Осиёнинг бошқа мамлакатларига, Озарбайжон ва Туркиядан Европа давлатларига чиқиш мумкин.

Мазкур йўналишларда транспорт йўлакларини ривожлантириш ва йирик логистика инфратузилма лойиҳаларини биргаликда амалга ошириш умумий манфаатларимизга тўлиқ жавоб беради.

Тўртинчидан, динимиз тарихида бекиёс из қолдирган улуг боболаримиз мероси билан кенг жамоатчиликни яқиндан таништириш эзгу интилишларимизга мосдир.

Бу борада мамлакатларимиз ҳудудида жойлашган муқаддас қадамжойлар бўйлаб “Табаррук зиёрат” лойиҳасини амалга оширишни таклиф этамиз.

Бунинг учун Кенгаш доирасида Зиёрат туризмни ривожлантириш дастурини қабул қилиш мақсадга мувофиқдир.

Бешинчидан, халқларимизнинг дунёвий фанлар ривожига қўшган бекиёс ҳиссасини ва бой маданий меросини чуқур

ўрганиш, турли тадқиқотлар олиб бориш ҳамда жаҳон миқёсида тарғиб этиш катта аҳамиятга эга.

Биз “Туркий дунёнинг маданий пойтахти” мақомини олган Хива шаҳрида сентябрь ойида ЮНЕСКО билан ҳамкорликда “Марказий Осиё жаҳон цивилизациялари чорраҳасида” мавзусида халқаро форум ўтказиш ниятидамиз.

Фурсатдан фойдаланиб, барча аъзо давлатларни ушбу анжуманда иштирок этишга таклиф қиламиз.

Олтинчидан, биз Боқуда ўтказилган саммитда адабиёт ва санъат соҳасида Халқаро мукофотни таъсис этиш ташаббусини илгари сурган эдик.

Ташкилотимизга аъзо давлатларнинг Сиз, ҳурматли раҳбарларига Туркий кенгашнинг илм-фан, таълим, маданият ва санъат соҳаларини, шунингдек, туркий дунё бирлигини ривожлантиришга улкан ҳисса қўшган атоқли шахсларни рағбатлантириш мақсадида халқаро мукофот таъсис этиш ҳақидаги таклифни маъқуллаганингиз учун ташаккур изҳор этаман.

Ушбу мукофотни Мир Алишер Навоий номи билан аташ ҳақидаги таклифни қўллаб-қувватлаганингиз учун ўз номидан, Ўзбекистон халқи номидан чуқур миннатдорлик билдираман. Бундай

ҳурмат-эътибор ва ишонч биз учун катта шарафдир.

Биз буни барча туркий халқларнинг фахру ифтихори бўлган, улуг зот – Алишер Навоийга юксак эҳтиром ифодаси, деб қабул қиламиз. Бу нуфузли мукофотнинг таъсис этилиши туркий бирлик руҳини мустаҳкамлашга хизмат қилиши шубҳасиз.

Шу ўринда Ташкилотимиз олдида турган муҳим ва устувор масалалар бугун қабул қилинадиган Туркистон декларациясида ўз ифодасини топганини ва уни қўллаб-қувватлашимизни маълум қиламан.

Ҳурматли йиғилиш қатнашчилари! Сўзимнинг якунида Туркий кенгашнинг фахрий раиси – муҳтарам оқсоқолимиз, Элбوشي Нурсултон Абишевичга, Қозғистон Президенти ҳурматли Қосим-Жомарт Кемелевич Тоқаевга бугунги мулоқотни юқори даражада ташкил этганлари учун яна бир бор самимий миннатдорчилик билдираман.

Барчангизга мустаҳкам соғлиқ, бахт-саодат, Ташкилотимиз нуфузи ва самарадорлигини ошириш йўлидаги шарафли ишларингизда улкан куч-ғайрат ва омадлар тилайман.

Эътиборингиз учун раҳмат.

НАВОИЙ ВИЛОЯТИ

Санъатсевар ва спортчи ёшлар учун муносиб туҳфа

“Ёшларни қўллаб-қувватлаш ва аҳоли саломатлигини мустаҳкамлаш йили” муносабати билан Навоий шаҳрида жорий йил давомида ёшлар билан ишлашнинг янги тизимини тадбиқ этиш бўйича алоҳида чора-тадбирлар дастури ишлаб чиқишти, унда ёшларнинг интеллектуал салоҳиятини рўйбга чиқариш, уларни кашф этиш ҳам муҳим йўналиш сифатида белгиланди. Шундан келиб чиқиб, ўқувчиларнинг санъат ва спортга бўлган қизиқишларини ошириш мақсадида Навоий шаҳар ҳокимлиги томонидан шаҳардаги умумтаълим мактабларига мусиқа чоғу асбоблари ва спорт жиҳозлари тарқатилмоқда. Бугун ҳам Навоий шаҳри ўқувчи-ёшлари учун қарийб 100 миллион сўмлик мусиқа асбоблари ҳамда спорт жиҳозлари тантанали равишда топширилди.

Отабек АСЛОНОВ, “Qishloq hayoti” мухбири.

Хоразмда чигит экиш бошланди

Яқинда Янгиарик туманининг Қармиш ҳудудидаги “Гулжаҳон-Камола” фермер хўжалигида ера чигит қадаш бўйича кўргазмали-семинар ўтказилди.

Унда сектор раҳбарлари, вилоят ва туман ҳокимларининг ўринбосарлари, меҳнат фахрийлари, кластер ва фермер хўжаликлари етакчилари ва бошқалар иштирок этди. Хайрли иш кексаларнинг дуои фотиҳаси, эзгу тадбирга оқ йўл тиллашлари асосида бошлаб юборилди.



Бу йил вилоятда 102 минг гектар ер майдонида чигит экиш белгиланган бўлиб, экиш мавсумига пухта тараддуд кўрилди, ерларнинг шўри сифатли ювилди. Техника ва механизмлар, уруғлик чигит, минерал ўғитлар, ёқилги-мойлаш материаллари долзарб палла тадбирларини учун шай этиб қўйилди.

Семинарда барака уруғи қадаш ишларини ҳар бир ҳудуднинг тупроқ-иқлим шароитларини назарда тутган, далаларга ғузани навлари бўйича жойлаштирган, ерларни тайёрлаш ва уруғ экиш тадбирларини бир-бири билан узвий боғлиқ равишда ташкил этган ҳолда ўтказиш лозимлиги алоҳида қайд этилди.

Болтабой МАТҚУРБОНОВ, “Qishloq hayoti” мухбири.

Бугунги кунда дунё миқёсида чиқиндилар муаммоси энг долзарб экологик масалалардан бирига айланиб бормоқда. Таҳлиллар шуни кўрсатадики, сўнги йилларда маиший ва саноат чиқиндилари йилдан-йилга кўпайиб борапти. Айниқса, XXI асрда маиший чиқиндилар ҳажмининг ўсиши экологик барқарорликка жуда катта салбий таъсир кўрсата бошлади.

Таҳлилларга кўра, сўнги йилларда республикамизда йилига 100 миллион тоннадан орტიқ саноат чиқиндиси (унинг 14 фоизи токсик чиқиндилар тоифасига мансуб), 35 миллион тоннага яқин маиший чиқинди ҳосил бўлади. Чиқиндиҳоналар ва чиқинди сақлаш омборхоналарида 2 миллиард тоннага яқин саноат, қурилиш ва маиший чиқинди сақланаётгани ҳамда улар 12 минг гектар майдонни эгаллаб турганини инобатга олсак, чиқиндиларнинг салбий таъсирини тасаввур этиш қийин эмас.

Соҳа олимларининг ҳисоб-китобларига кўра, дунёнинг деярли барча мамлакатларида қаттиқ маиший чиқиндилар аҳоли жон бошига ҳар йили 1-1,5 фоизга ошмоқда. Ҳозирги кунда чиқиндиларнинг 805 дан ортиқ тури қайд этилган бўлиб, улар сонининг келгусида янада ортиши башорат қилинмоқда. Энергетика, рангли ва қора металлургия, кимё саноати

ва қурилиш индустрияси объектлари чиқинди ҳосил қилувчи, атроф-муҳитни ифлослантирувчи асосий манбалар ҳисобланади.

Айтиш жоизки, атроф-муҳитни ишлаб чиқариш ва истеъмол чиқиндилардан муҳофаза қилиш табиий ресурслардан оқилона фойдаланиш ҳамда экологик тоза технологияларни амалиётга татбиқ этиш муаммолари билан узвий боғлиқдир. Кўп асрлар давомида чиқиндиларни нотўғри бошқариш табиий ресурсларнинг ўзгаришига, табиатнинг қутилмаган ўзгаришларига сабаб бўлмоқда.

Тиббиёт чиқиндилари атроф-муҳит ва унинг деярли барча элементлари – сув, ҳаво, тупроқ, озик-овқат маҳсулотларининг ифлосланиши сабабли аҳоли орасида нафақат тўғридан-тўғри, балки, билвосита инфекция ва нонинфекцион касалликларнинг тарқалиш хавфини тугдиради. Шунинг учун мазкур муаммога жиддий ёндашиш

тақозо этилмоқда. Шуни таъкидлаш жоизки, бу чиқиндиларнинг 80 фоизини органик моддалар ташкил қилади ва уларни қайта ишлаш натижасида катта миқдордаги энергия ва энергия ташувчиларни ишлаб чиқариш мумкин.

Мутахассисларнинг таъкидлашича, маиший чиқиндилар бутун дунёда арзон хомашё ҳисобланади. Ривожланган мамлакатлар тажрибаси унинг 85 фоизини қайта ишлаш мумкинлигини кўрсатмоқда. Шимоллий Европа мамлакатларида аллақачон чиқиндиларни алоҳида йиғиш йўлга қўйилган, натижада қоғоз, пластик, алюминий каби хомашёнинг катта қисми қайта ишлашга юборилади. Бу жараённинг экомўҳитга ижобий таъсири жуда катта. Чиқиндиларни қайта ишлаш энергия ва хомашёни сезиларли даражада тежайди. Статистик маълумотларга кўра, Японияда резина ва кабел буюмларининг 34 фоизи,

лишда замонавий технологияларни жорий этиш, худудларнинг соғлом санитария-эпидемиология ҳолатини таъминлашга жиддий эътиборни талаб этмоқда. Чиқиндини йиғиш, маҳаллалар ва кўп қаватли уйлар ҳудудидан ташиб кетиш, сақлаш ва ҳодимлар иш ҳақи учун жуда катта маблағ сарфланади. Лекин бу жараёнда ҳали ҳал этилмаётган муаммолар жуда кўп. 23 февраль кун Батафил.уз сайтида Тошкент шаҳар ҳокимлиги чиқиндиларни сараланган ҳолда тўплаш борасида пойтахтнинг ҳар бир туманида 2 тадан, жами 24 маҳаллада дастлабки тажриба ўтказишни бошлаганлиги ҳақида хабар қилди.

Мазкур тажрибанинг мазмуни шундаки, унда қатнашаётган 24 маҳалла аҳолисига рангли пакетлар тарқатилади. Сарик пакетларга қайта ишланмайдиган чиқиндилар (қоғоз ва пластик), яшил пакетларга органик чиқиндилар (озик-овқат қолдиқлари, барглар, ўтлар), кулранг пакетларга қайта ишланмайдиган чиқиндилар (оёқ кийимлари, сальфеткалар, папперслар) йиғиш кўзда тутилди.

Чиқиндилар яшил ва кулранг-сарик рангли стикерлар ёпиштирилган махсус машиналар ёрдамида йиғилади. “Махсустрас” ОТТБ грант маблағлари ҳисобидан 59 та янги махсус машиналарни харид қилган. Саралаган ҳолда

чиқиндиларни йиғишни рағбатлантириш учун оилаларга тўлов тарифи пасайтирилади. Аҳолига чиқиндиларни саралаш зарурияти ҳақидаги ахборотни турли йўللار билан етказиш чоралари кўрилади. 2019 йилда Яқкасарой туманидаги маҳаллалардан бирида чиқиндиларни саралаб тўплаш бўйича биринчи лойиҳа амалга оширилган.

Мана шу хабар чиққандан кейин ижтимоий тармоқларда бу мавзу бўйича мунозаралар бошланди. Қимлардир пойтахт ҳокимиятининг бу ташаббусини маъқулламади. Бошқа бир гуруҳ аҳоли маълум қисми чиқиндиларни саралаб йиғишига ишонсизлик билдирилмоқда. Жамоат жойларида баъзан ахлатлар қолиб кетишидан норозилар ҳам бор.

Барчага маълумки, чиқиндилар ҳажми йилдан йилга кўпайиб бораверади. Масалан, Наманган шаҳрида 15 йилдан кейин унинг ҳажми икки баравар ошмиши тахмин қилинмоқда. Бундай вазиятда муаммони ҳал этишнинг йўли битта, яъни чиқиндиларни қайта ишлаш зарур. Лекин бунинг учун уни саралаб йиғиш лозим.

Дунёнинг қатор давлатларида чиқиндини қайта ишлашдан миллион-миллион доллар даромад топиб, бойиб кетган инсонлар бор. Чунки чиқиндидан жуда кўп фойдали маҳсулотлар, ўғит, биогаз, фойдали элементлар билан бойитилган органик грунт, қардон, қоғоз, чорва озуқаси учун биоқўшимчлар, металл, бензин, тахта ва ҳатто, олтин ҳам олиш мумкин. Ҳамма гап чиқиндини саралаб йиғишда. Сараланмаган ахлатни қайта ишлаб, фойда олиб бўлмайди.

Хуллас, агар саралаб йиғишни ташкил этиш оласак, чиқиндини қайта ишлаш юқори фойдали бизнесга айланиши аниқ! Қолаверса, бу юртимизда экологик вазият яхшиланишига ҳам муҳим ҳисса бўлиб қўшилган бўлар эди.

бига масофадан сотиб олиш имконини берувчи электрон савдо майдончаси (маркетплейс) ташкил этилди.

Visa карталари учун 3D Secure ҳимоя тизими ишга туширилди. Чакана бизнес йўналишида ишлаётган барча ҳодимларни КР1 тизими асосида рағбатлантириш йўлга қўйилди.

Мижозларни тезкор кредитлаш мақсадида тадбиркорлар учун 26 турдаги, йирик корхоналарга 8 турдаги ва аҳоли учун 22 турдаги модулли кредитлар жорий қилинди.

Тадбиркорлар ва аҳолини кредитлашда инсон омиги иштирок этмайдиган янги скоринг тизимига асосланган Андеррайтинг йўлга қўйилди. Бу билан аввалги 5 поғонали кредитлаш тизими 2 поғоналига туширилди.

Ўзбекистонда биринчи бўлиб яшил лойиҳаларни молиялаштириш механизми ишга туширилди.

Банкни тўлиқ автоматлаштириш учун салоҳиятли IT мутахассислари тайёрлаш мақсадида Тошкентдаги Инха университетидан Молиявий технологиялар маркази ташкил этилди. Натижада, 2020 йилда 32 нафар ёш дастурчи ишга олиниб, дастурчилар гуруҳига асос солинди.

Шунингдек, банк томонидан ҳодимлар малакасини оширишга ҳам алоҳида эътибор қаратиб келинмоқда. Биргина 2020 йилда 3532 нафар ҳодим қисқа муддатли онлайн курсларда ўқитилди. Жумладан, Европа тикланиш ва тараққиёт банкнинг онлайн платформасида 1816 нафар, банкнинг ўзида ташкил этилган “E-learning” тизимида 1339 нафар, видеовебинарларда эса 421 нафар ҳодим малакасини оширди. Банкнинг Ўқув маркази томонидан 110 та мавзуда ўқув курслари ташкил этилди.

Матбуот анжуманида журналистлар банкнинг жорий йилга мўлжалланган истиқболли режалари билан ҳам таништирилди.

– Жорий йилдан банк фаолиятини трансформация қилишнинг 3-босқичи бўйича жараёнлар бошланди, – деди Банк Ахборот хизмати раҳбари Беҳзод Бозоров. – Бу йилги лойиҳаларнинг ҳам ҳар бири мижозларга йўналтирилганлиги билан аҳамиятлидир. Хусусан, банк филиллари ихчам сотув каналларига айлантирилади, мижозбай ишлаш тизими йўлга қўйилади, Бэк-офис функциялари марказлаштирилади, мижозларга республиканинг исталган ҳудудида “ягона ойна” тамойили асосида хизмат кўрсатиш имконини берувчи CRM тизими ишга туширилади.

Тадбир савол-жавобларга бой, қизғин руҳда ўтди.

Банк Ахборот хизмати



Саралаб йиғилса

ЧИҚИНДИ ҲАМ КОНИ ФОЙДА



Раҳмонжон ЭГАМБЕРДИЕВ, Наманган вилояти ҳокимлиги ҳузуридаги Фуқароларнинг ўзини ўзи бошқариш органлари ҳодимларининг малакасини ошириш бўйича ўқув маркази директори, иқтисод фанлари номзоди, доцент.

Аҳолини рози қилиш йўлида

Машина бошқариш ҳуқуқи бор, аммо ўқуви йўқ ораимизда бундайларга ўрин йўқ

Кулайлик

Янги Ўзбекистон харитасида янги шаҳар – Тошкент вилоятининг маъмурий маркази – Нурафшон шаҳрининг қайд этилганига ҳали унча кўп бўлмади. Лойиҳа бўйича ушбу маскан Ўзбекистондаги биринчи "ақлли шаҳар" ҳисобланади...



"Ўзбекистон қишлоқ жойларида давлат хизматлари тақдим этишни таъкомиллаштириш ва бошқарув даражасини ошириш" лойиҳаси амалда

Янги бино

Фойдаланишга топширилди

Шаҳарда бунёдкорлик ва яратувчилик ишлари кундан кунга қизғин тус олмоқда. Чор атроф мутлақо янги қиёфа касб этиб бормоқда.



40 дона ахборот-коммуникация технологиялари ускуналарини (серверлар, шахсий компьютерлар, тармоқ ва телекоммуникация қурилмалари, видеокузатув мосламалари, фойдаланувчи билан алоқа механизмлари ва бошқалар) сотиб олиб, марказга тақдим қилди.

Хамкорлик бўлими раҳбари Франсуа Бержо ҳамда Руминия давлатининг Ўзбекистондаги элчиси Леонардо Чернаиану, давлат ва жамоат ташкилотлари масъуллари, меҳнат фахрийлари ҳамда кенг жамоатчилик вакиллари иштирок этдилар.

HALIMJON QURILISH" масъулияти чекланган жамият қурувчилари томонидан аънавий архитектура ва халқаро меъморий дизайн билан уйғунлаштирилган ҳолда бунёд этилди.

хизмати турлари юзасидан ҳамда қайси операторга бориш кераклиги ҳақидаги маълумотлар марказга келувчи фуқаролар учун тақдим этиб борилади.

– Ўтган даврда марказ томонидан 37 мингдан ортиқ давлат хизматлари кўрсатилди, – дейди Нурафшон шаҳар Давлат хизматлари маркази директори Мирсаид Султонов. – Яқка тартибдаги тadbirkor сифатида 484 та, юридик шахс бўйича 282 та янги тadbirkorлик субъектлари давлат рўйхатидан ўтказилганлиги шаҳримизда ишбилармон доиралар сафининг тобора ортиб бораётганлигини аниқлатади.

Янги очилган Давлат хизматлари маркази Нурафшон шаҳрининг обод ва кўркем масканига айланиши шубҳасиздир.

Иброҳим ТОШЕВ, "Qishloq hayoti" муҳбири, Эркин ДОРИПОВ, ДХА Тошкент вилояти бошқармаси матбуот хизмати бошлиғи.

Эълон

ТОШКЕНТ ДАВЛАТ АГРАР УНИВЕРСИТЕТИ БЎШ (ВАКАНТ) ПРОФЕССОР-ЎҚИТУВЧИ ЛАВОЗИМЛАРИГА МЕХНАТ ШАРТНОМАСИ АСОСИДА ТАНЛОВ ЭЪЛОН ҚИЛАДИ

КАФЕДРА МУДИРЛАРИ:

1. Ўсимликшунослик кафедраси; 2. Ўсимликлар ва қишлоқ хўжалик маҳсулотлари карантини кафедраси; 3. Сабзавотчилик, полизчилик ва картошқачилик кафедраси; 4. Қишлоқ хўжалиги маҳсулотларини стандартлаштириш ва сертификатлаш кафедраси; 5. Агробиотехнология кафедраси; 6. Ипакчилик ва тутчилик кафедраси; 7. Манзарали боғдорчилик кафедраси; 8. Агробизнес ва инвестицион фаолият кафедраси.

ПРОФЕССОРЛАР:

1. Деҳқончилик ва мелиорация кафедраси (0,25); 2. Қишлоқ хўжалиги экинлари генетикаси, селекцияси ва уруғчилиги кафедраси (селекция 0,75); 3. Агрокимё ва тупроқшунослик кафедраси (0,25); 4. Ўсимликларни химоя қилиш кафедраси; 5. Қишлоқ хўжалиги фитопатологияси кафедраси; 6. Ўсимликлар ва қишлоқ хўжалик маҳсулотлари карантини кафедраси; 7. Мевачилик ва узумчилик кафедраси (0,75); 8. Сабзавотчилик, полизчилик ва картошқачилик кафедраси; 9. Қишлоқ хўжалиги маҳсулотларини сақлаш ва қайта ишлаш кафедраси (0,25); 10. Агробиотехнология кафедраси; 11. Балиқчилик кафедраси (0,25); 12. Манзарали боғдорчилик кафедраси; 13. Агробизнес ва инвестицион фаолият кафедраси; 14. Бухгалтерия ҳисоби, таҳлил ва аудит кафедраси.

ДОЦЕНТЛАР:

1. Деҳқончилик ва мелиорация кафедраси (0,25); 2. Ўсимликшунослик кафедраси; 3. Соя ва мойли экинлар кафедраси (0,75); 4. Қишлоқ хўжалиги экинлари генетикаси, селекцияси ва уруғчилиги кафедраси (селекция); 5. Қишлоқ хўжалигини механизациялаштириш кафедраси (0,75); 6. Агрокимё ва тупроқшунослик кафедраси; 7. Ўсимликларни химоя қилиш кафедраси; 8. Ўсимликлар ва қишлоқ хўжалик маҳсулотлари карантини кафедраси; 9. Сабзавотчилик, полизчилик ва картошқачилик кафедраси; 10. Қишлоқ хўжалигида экологик хавфсизлик ва ботаника кафедраси (физиология 0,75); 11. Қишлоқ хўжалигида экологик хавфсизлик ва ботаника кафедраси (биокимё); 12. Физика ва кимё кафедраси (кимё); 13. Қишлоқ хўжалиги маҳсулотларини сақлаш ва қайта ишлаш кафедраси; 14. Қишлоқ хўжалиги маҳсулотларини стандартлаштириш ва сертификатлаш кафедраси; 15. Агробиотехнология кафедраси; 16. Ипакчилик ва тутчилик кафедраси; 17. Балиқчилик кафедраси; 18. Манзарали боғдорчилик кафедраси (0,5); 19. Доривор ўсимликлар кафедраси; 20. Гуманитар фанлар кафедраси (фалсафа 0,5); 21. Агробизнес ва инвестицион фаолият кафедраси; 22. Агробиотехнология кафедраси; 23. Бухгалтерия ҳисоби, таҳлил ва аудит кафедраси; 24. Ахборот технологиялари ва математика кафедраси.

КАТТА ЎҚИТУВЧИЛАР:

1. Деҳқончилик ва мелиорация кафедраси; 2. Қишлоқ хўжалиги экинлари генетикаси, селекцияси ва уруғчилиги кафедраси (селекция); 3. Агрокимё ва тупроқшунослик кафедраси; 4. Қишлоқ хўжалиги фитопатологияси кафедраси; 5. Мевачилик ва узумчилик кафедраси; 6. Қишлоқ хўжалигида экологик хавфсизлик ва ботаника кафедраси (экология 0,75); 7. Физика ва кимё кафедраси (кимё); 8. Қишлоқ хўжалиги маҳсулотларини сақлаш ва қайта ишлаш кафедраси; 9. Ипакчилик ва тутчилик кафедраси; 10. Балиқчилик кафедраси; 11. Манзарали боғдорчилик кафедраси; 12. Гуманитар фанлар кафедраси (фалсафа); 13. Агробиотехнология кафедраси; 14. Ахборот технологиялари ва математика кафедраси.

АССИСТЕНТЛАР:

1. Деҳқончилик ва мелиорация кафедраси (0,25); 2. Ўсимликшунослик кафедраси (0,5); 3. Соя ва мойли экинлар кафедраси; 4. Қишлоқ хўжалиги экинлари генетикаси, селекцияси ва уруғчилиги кафедраси (селекция); 5. Қишлоқ хўжалигини механизациялаштириш кафедраси (0,5); 6. Агрокимё ва тупроқшунослик кафедраси (0,5); 7. Ўсимликларни химоя қилиш кафедраси; 8. Қишлоқ хўжалиги фитопатологияси кафедраси; 9. Мевачилик ва узумчилик кафедраси (0,75); 10. Сабзавотчилик, полизчилик ва картошқачилик кафедраси (0,5); 11. Қишлоқ хўжалигида экологик хавфсизлик ва ботаника кафедраси (физиология 0,75); 12. Физика ва кимё кафедраси (кимё 0,75); 13. Қишлоқ хўжалиги маҳсулотларини сақлаш ва қайта ишлаш кафедраси; 14. Қишлоқ хўжалиги маҳсулотларини стандартлаштириш ва сертификатлаш кафедраси (0,5); 15. Агробиотехнология кафедраси; 16. Ипакчилик ва тутчилик кафедраси; 17. Балиқчилик кафедраси; 18. Манзарали боғдорчилик кафедраси (0,5); 19. Доривор ўсимликлар кафедраси; 20. Гуманитар фанлар кафедраси (фалсафа 0,5); 21. Агробизнес ва инвестицион фаолият кафедраси; 22. Агробиотехнология кафедраси; 23. Бухгалтерия ҳисоби, таҳлил ва аудит кафедраси; 24. Ахборот технологиялари ва математика кафедраси.

си; 14. Қишлоқ хўжалиги маҳсулотларини стандартлаштириш ва сертификатлаш кафедраси (0,5); 15. Агробиотехнология кафедраси; 16. Ипакчилик ва тутчилик кафедраси; 17. Балиқчилик кафедраси; 18. Урмончилик кафедраси; 19. Агробизнес ва инвестицион фаолият кафедраси; 20. Агробиотехнология кафедраси; 21. Бухгалтерия ҳисоби, таҳлил ва аудит кафедраси.

ЎҚИТУВЧИЛАР:

1. Ўзбек тили ва адабиёти кафедраси (ўзбек тили); 2. Ўзбек тили ва адабиёти кафедраси (рус тили); 3. Тиллар кафедраси (инглиз тили); 4. Тиллар кафедраси (немис тили); 5. Жисмоний тарбия ва спорт кафедраси (жисмоний тарбия 0,75).

Танлов учун ҳужжатлар эълон чиққан кундан бошлаб бир ой давомида қабул қилинади.

Талаб қилинадиган ҳужжатлар: Ректор номига ариза; сўровнома; таржимаи ҳол; тегишли олий маълумоти ҳақидаги диплом, илмий даража, илмий унвон; илмий ишлар ва ихтиролар мавжуд бўлган тақдирда, уларни тасдиқловчи дипломлар, аттестатлар нусхалари; малака ошириш тўғрисидаги гувоҳнома нусхалари ва илмий ишлар рўйхати.

Танловга тушган барча ҳужжатлар олдиндан кафедра мажлисида кўриб чиқилади. Илгари кафедрада ишлаган шахсларнинг ҳужжатларини кўриб чиқишдан олдин, улар томонидан синов маърузалари (университет профессор-ўқитувчилари учун – очик машғулотлар) ўтказилади. Синов маърузалари ва очик машғулотлар мавзулари кафедра предметлари бўйича ўқув дастури талабларини тест синовларидан ўтказишга йўл қўйилади.

Илгари ўзи эгаллаб келган лавозим учун танловда қатнашувчи шахслар кафедра мажлисида танловдан олдинги даврдаги илмий-педагогик, методик, тарбиявий ва бошқа ишлари тўғрисида ҳисобот беради.

Ҳужжатлар қуйидаги манзилга топширилади: 100164, Тошкент вилояти, Қўрай тумани, Салар шаҳарчаси, Университет кўчаси 2-уй. Тошкент давлат аграр университети бош биноси, 2-қavat, Тошкент давлат аграр университети Илмий кенгаши.

Телефон: (71) 260-48-65.

Ҳарбий ватанпарварлик

Ёшлар

ТАРБИЯСИГА БЕФАРҚ ЭМАСМИЗ

Масъулияти чекланган жамиятимиз тасарруфиди

16 та энгил ўқув автомобили, 10 та юк ўқув автомобили бор. Кейинги 4 йил мобайнида 2000 дан ортиқ ўқувчи ҳайдовчилик гувоҳномаси олиш учун ўқув курсини тугатди.

Бизда доимий равишда маънавий-маърифий тadbirkorлар ўтказиб борилади. Уларга кўпроқ ёшларни жалб этишга ҳаракат қиламиз. Масалан, спортнинг техник ва амалий турлари бўйича ташкил этилган семинарларга айнан шундай ёшларни таклиф этдик. Бу тadbirkor "Ёшлар тарбиясига бeфapқ эмасмиз!" шiori oстида ўтди. Техник ҳамда амалий спорт турларидан милтиқдан ўқ отиш ва ёзги биатлон секциялари фаолияти бугунги кунда мақташга арзиғулқидир.

Ўтган йили "В" ва "BC" тоифасида ҳайдовчилар тайёрладик. Ҳозирги кунда шундай тоифаларда ҳайдовчилар тайёрладиган бир неча ўқув гуруҳлари шакллантирилган.

Вазирлар Маҳкамасининг 2018 йил 21 майдаги "Автотранспорт воситалари ва шаҳар электр транспорт воситалари ҳайдовчиларини тайёрлаш, қайта тайёрлаш ҳамда уларнинг малакасини ошириш бўйича нодавлат таълим хизматлари кўрсатиш фаолиятини лицензиялаш тартибини янада такомиллаштириш чора-тadbirkorлари тўғрисида"ги қарори жамoамиз олдиға янада муҳимроқ вазифалар қўйди.

Мақзур қарор талабларини бажариш мақсадида ўқув хоналари, спорт машғулотлари ўтадиган майдон ва ўқув машғулотлари алоқадор бўлган барча муҳим жойлар қайта жиҳозланди. Спорт секцияларидаги машғулотлар сифат ва самарадорлигига эътибор ошди. Машғулот ўтиладиган хоналарда аудио, видео, компьютер ускуналари каби жиҳозлар ўрнатилди. Маънавият хонаси ташкил этдик. Хуллас, бугун ташкилотимизда давр талаблари даражасида ишлашга ўтилган. Ҳайдовчилар тайёрлаш борасида биринчи галда сифатга эътибор қаратаёلمиз. Шунчаки ҳайдовчилик гувоҳномаси бериш ҳолларига бутунлай чек қўйилди. Бу ерда бўлажак ҳайдовчи ҳайдовчилик учун белгилаб қўйилган ҳар бир талабни бажаришга мажбур.

Лекин ҳозирги кунда ўқувчиларнинг дарсга қатнашиш даражасини қониқарли деб бўлмайдим. Бунинг асосий сабаби, жойларда автомактабларнинг кўпайиб кетгани, уларнинг айримларида ўқувчиларга нисбатан "Дарсга бормасан ҳам майли, ҳайдовчилик гувоҳномасини олиб берамиз" қабилида иш тутилаётганидир. Бундай мактабларда ҳайдовчи тайёрлаш учун етарли шароитларнинг йўқлигидан ҳеч ким кўз юма олмайди. Уларнинг раҳбарлари ўзларини тadbirkor деб билишади. Аммо бу ерда "тadbirkor"нинг фойдасини эмас, бўлажак ҳайдовчининг малакасини, билимини ўйлаш керак эмасмикин?

Бундан келиб чиқадики, айрим автомактабларда жамиятимизга фойдаси тегадиган ҳайдовчилар эмас, балки, йўл ҳаракати қоидаларини яхши билмайдиган, машина бошқаришга ўқуви бўлмаган ҳайдовчилар ҳам тайёрланапти. Бу эса кўп ҳолларда йўл ҳаракати қоидаларининг қўпол равишда бузилишига, нохуш вазиятларнинг келиб чиқишига сабаб бўлаяпти. Буни соҳага масъул бўлган юқори ташкилотлар раҳбарлари ҳам яхши билишади. Аммо улар бу борада тартиб ўрнатишга негaдир шошилишмаяпти.

Маъруфжон ЎРУНОВ, Талпоқ туманидаги "Mardon avto ustoz" масъулияти чекланган жамияти директори.

Эълонлар

Тошкент ш. Яшнобод тумани ҳокимлиги хузуридаги "Давлат хизматлари маркази" томонидан (17.02.2012 й. Реестр № 003803-07) рўйхатга олинган "LUXE TRANS CAPITAL" МЧК (СТПР 302209947) устав фонди 3 248 968 050 сўмдан 539 541 862 сўмга камайитрилганлигини маълум қилади.

Яшнобод (Хамза) туманидаги 231-мактаб томонидан 1989 йилда Гатаулина Рафилла Назифовна номига берилган Д № 791143 рақамли аттестат йўқолганлиги сабабли бекор қилинади.

Хамза маънавий хизмат касб-хўнар коллежи томонидан 2008 йилда Маҳаматхўжаева (Аманова) Малика Суннат қизи номига берилган К № 1089253 (рўйхат рақами 697) рақамли диплом иловаси йўқолганлиги сабабли бекор қилинади.

Ўзбекистон миллий телерадиокорпорациясининг "Respublika teleladiomarkazi" давлат унитар корхонаси телевизион ускуналари механизми Абдусаломов Даврон Абдуқаҳҳор ўғли номига берилган № 1598 рақамли хизмат гувоҳномаси йўқолганлиги сабабли бекор қилинади.

Исм танлашга жиддий ёндашинг!



Асад АСИЛ

Галати савол. Лекин бунинг замирида кўпчиликнинг хаёлига келмайдиган катта маъно ва мазмун мужжасам. Аввал тугиллаш бехисоб талабгорлар орасидан отилиб чиқиб, голиб бўлмоқликнинг ўзи катта бахт! Қодир Оллоҳ шу улғулук бизни лозим кўрган бўлса, Яратган Эгамизнинг ушбу ишончига биз ҳам муносиб яшамогимиз шарт. Шу важедан олиб қараганда отаналар фарзандига исм танлаганларида ниҳоятда эҳтиёткор ва хушёр бўлмоқликлари керак экан. Ахир танланган исм ўз эгасини айнан шу йўлга бошлайди-да. Асл мақсадга келсак қачон тугилгансизу, сизга қандай ном танлаганлар? Агар исм ўзингизга маъна шу тушса, умр бўйи миннатдор юрасиз. Акси бўлса... Ўз исмидан мудом кўнгли тўлмайдир юрадангизлар ёки ҳатто овора-ю сарсон бўлиб номини ўзгартириб олганлар қанчадан-қанча! Шу ўринда битта мисол келтирай. Бир ташкилот раҳбарига хат орқали мурожаат қилишга тўғри келди. Қабулхона эшигига "Тилапов" номи ёзилган экан. Бу инсонни ота-онаси Худои таолодан тилаб олган бўлса керак, деган хаёлда аризага "Тилапов" деб

Ажойиб ва ғаройиб замонларда

Сиз қачон тугилгансиз, исмингиз-чи?

тўғри ёзиб кирдик. "Давлат паспортидаги номни ўзгартиришга қандай ҳаддингиз сизди?" – деди у жаноб аризани қайтариб...

Қодир Оллоҳ билан ном талашувчиларга нима дейсиз? Менинг исмим Раҳмон ёки Қаҳҳор деб туриб олишадими. Ахир булар Яратган Эгамизнинг исмлари-ку! Уларга "Абди" ёки "берди" қўйиши шарт-ку. Советлар даврида булар иш бўлган. Ҳеч бўлмаса энди – мустақил ва ҳур давримизда тўғри ном танлаш фарзандларимизга!

Дарвоқе, бизнинг ўтмишидаги давримизда ажойиб ва ғаройиб воқеалар шундай кўп бўлганини, қай бирини айтмай? "О"ни "а"га, "а"ни "я"га, "я"ни "ю"га айлантириб ёзишлар!.. Бу ҳам майли-я, ойлаб, ҳатто йиллаб ном ҳақида кечиктириб ҳужжат олишлардаги бепасандликларга нима дейсиз?

Бошқаларни қўверайлик, ўзим гувоҳ бўлган воқеалардан бир шингилни айтиб ўта қолай. Қирқ биринчи йилнинг даҳшати ва серташвиш кунларидан бирида дунёга келган эканман. Отам ҳужжат олиш учун тегишли идорага борса, мудир "яхши" маслаҳат берибди: "Аввал яхшилаб оёққа туриб олсин, кейин ҳужжат

олиш қочиб кетмас!.. Бу ёқда уруш бошланай деб турган бўлса..." Ичидан зил кетмаётган отамиз индамай қайтибди ва кўп ўтмай урушга жўнабди... Бир оёқдан айрилиб яримжон ҳолда қайтган напарни бузрукворим ўзаро суҳбатлар чоғида айтиб қолган эдилар: "Уруш бошланганда ропта-роса бир ойлик чақалоқ эдинг, ўғлим. Ташвишлар билан бўлиб, икки ой кейин ҳужжат олиб берганман..."

Қодир Оллоҳ инояти билан саксонга қирьянман. Иккинчи томондан янги Ўзбекистон фуқароларини яхшилаб рўйхатга олиш режалари ишлаб чиқилмоқда. Қалбимда армон бўлиб ётган ширин орзу шу баҳонада яна уйғонди ва оёққа турди! Асли тугилган куним – 1941 йил 22 майни қайта тиклаб олсам бўлмайдимми?! Шундай қилсам, бу оламдан армонда ўтиб кетган ота-гинамнинг руҳи поклари шод бўларди. Қолаверса, ҳақиқий мустақил давлатимизда аҳолини қайта рўйхатдан ўтказиш жараёнида буюк иш мутасаддилари ўз вазифаларини юксак масъулият билан бажаришга киришармиди!.. Қадимда ном-мигагина давлат ҳисобланган Ўзбекистон фуқароларини менимаслик энди бутунлай барҳам топса керак...

Реклама

FIDOKOR
KREDITI
22%

1233 | ipotekabankofficial | ipotekabank.uz
Xizmatlar litsenziyalangan.

Узоқ йиллар турли вазифаларда ишлаган каттақўрғонлик Наримон ака Азимов меҳнат фаолияти давомида одамларнинг оғирини енгил қилишдек савобли амалларда ҳам фаоллик кўрсатиб келди. Жумладан, 1976-йили Каттақўрғон ва Хатирчи туманлари ҳудудидан оқиб утувчи "Насработ" канали устига икки туманни боғловчи темир кўприкни ўз ҳисобидан қуриб олиб, одамларнинг оқибатини олди. У ҳалигача ҳам ушбу кўприкни ўз ҳисобидан таъмирлаб келади.



Юртимиз бўйлаб баҳор нафаси кезиб юрган шу шуқуқли кунларда Навруз байрами тантаналари маҳаллалар бўйлаб ҳамон давом этмоқда. Тошкент шаҳар Яшнобод тумани "Тонг" МФЙда ҳам байрам кўтаринки кайфиятда ўтказилди. Йўлчилар энг аввало меҳр-оқибат, яшарли ва янгиликни рамзи бўлган қадимий байрам билан бир-бирларини самимий кўтлаб, эзу тилақлар билдиришди. Яхши ниятлар билан ёзилган байрам дастурхонига тансиқ таомлар тортилди. Маҳалла онахонлари иштирокидаги сумалак базида миллий ашулаларимиз айтилди. Халқ депутatlари Тошкент шаҳар кенгаши депутати М. Жўраев давлатимиз томонидан маҳаллаларга қаратилаётган катта эътибор ва келажакда амалга оширилиши кўзда тутилган режалар ҳақида гапириб ўтди. Байрам тадбири йўлчиларда илқ таассурот қолдирди.

Савоб излаб савоб топган отахон

1997 йили маҳалладошларининг талаб ва истаклари билан Наримон ака қишлоқ ҳудудидаги қабристонга масъул этиб тайинланди. Қаровсиз қолган қабристонни обод қилиш ниятида юрган Наримон ака учун қишлоқдошларининг қарори айни муддао бўлди. Ишни майдони 1,25 гектар бўлган қабристон ҳудудини ўрашдан бошлади. Шу мақсадда ўз ҳисобидан 10 тонна цемент, тош, ғишт ва бошқа қурулиш молларини келтирди. 200 метр масофага панжара олиб, 2 та темир дарвоза ўрнатди. Жаноза ўқилайдиган хона қайта таъмирланди, маҳсус йўлаклар, таҳоратхона, ҳожатхона қурилди. Қабристон ҳудудига 500 туп арча дарахти ўтказилиб, 50 сотих майдон гулзорга айлантирилди. Суғориш тизимлари барпо этилди. Айниқса, дини исломни тарғибот қилишда фидойилик кўрсатган Хўжа Абдурахмон Ибн Авф ота мақбарасини қайтадан тиклаганлиги Наримон аканинг эътиқоди мустахкам эканлигини қўрсатди. Бугун бу муқаддас даргоҳ эиератчилар билан гавжум. Наримон ака умрининг

қарийб 24 йилини инсонлар мангу макон топган масканни обод қилишга, ўтганларнинг руҳини шод қилишга бағишлади, нимаики хайрли ишлар қилган бўлса, барчасини Аллоҳнинг инояти деб билди. Амалга оширган эзгу ишлари учун ҳеч қандай модидий манфаатдорлик, мартаба сўрамади, камтарлик, камарбасталик, хокисорлик фазилатлари вужудда янада теран илдиз отди.

2013 йили қабристонлар "Ободонлаштириш" бўлимларига ўтгач, Наримон ака ўз ишини ўғли Камолидинга топширди. Лекин ҳалиям ўз ҳаётий тажрибаларини, маслаҳатларини ҳамқишлоқлари билан бўлишиб туради.

Ҳа, эзгуликнинг, саховатпешаликнинг ойдин йўлини танлаган 74 ёшли Наримон Азимов бутун умр савоб излади ва савоб топиб, савоб тарқатиб яшамоқда.

Аҳмаджон ЭЛМУРОДОВ,
Ўзбекистон журналистлари ижодий уюшмаси аъзоси.
Хатирчи тумани.

"ЗАМОНАВИЙ КУЛТИВАТОР"ЛАР ЎЗБЕКИСТОНДА
Далварзин таъмирлаш заводида ишлаб чиқарилган

АФЗАЛЛИГИ:
▶ 3 нуқтага тақилади.
▶ Қатор оралиғи 60 см.дан 90 см.

ОРГАНЛАРНИ:
▶ Чуқурлиги, ерга ботиш кучи,
▶ ўсимликдан қочиритиз тез амалга оширилади.

БИРВАҚТДА:
▶ Култивациялаш;
▶ Суоқлик пуркаш;
▶ Минерал ўғит солиш;
▶ Чуқур юмшатиш ишларини бажаради.

Маҳсулот сертификатланган

Мурожаат учун тел.: (93) 549-15-15, (98) 121-18-07. E-mail: gazgtz@mail.ru